

述異記

任昉撰梁書云昉字彥
升舉兗州秀才拜太學
博士為齊竟陵王記室
參軍專主文翰泊梁立
登祚為給事黃門侍郎
又為吏部郎遷中書舍
人轉御史中丞祕書監



出為新安太守卒於官
年四十八追贈太常謚
曰敬

大梁天監二年昉遷中書舍人家
書三萬卷故多異聞採於秘書撰
新述異記上下兩卷皆得所未聞
將以資後來刀筆之士好奇之流
文詞怪麗之端抑亦博物之意者也

高安府太虛前經籍舖尹家刊行

述異記卷上

梁記
卷五
任昉撰

武林章如鑿

昔盤古氏之死也頭為四岳目為日月脂膏為江海
毛髮為草木秦漢間俗說盤古氏頭為東岳腹為中
岳左臂為南岳右臂為北岳足為西岳先儒說盤古
氏泣為江河氣為風聲為雷目瞳為電古說盤古氏
喜為晴怒為陰吳楚間說盤古氏夫妻陰陽之始也
今南海有盤古氏墓亘三百餘里俗云後人追葬盤
古之魂也桂林有盤古氏廟今人祝祀

南海中盤古國今人皆以盤古為姓昉按盤古氏天地萬物之祖也然則生物始於盤古

南海小虞山中有鬼母能產天地鬼一產十鬼朝產之暮食之今蒼梧有鬼姑神是也虎頭龍足蟒目蛟

脊蟒蛇目圓蛟脊連生今吳越間防風廟土木作其形龍首

耳連脊一目

昔禹會塗山執玉帛者萬國防風氏後至禹誅之其長三文其骨頭專車今南中民有姓防風氏即其後也皆長大越俗祭防風神奏防風古樂截竹長三尺

吹之如嗥三人披髮而舞

軒轅之初立也有蚩尤氏兄弟七十二人銅頭鐵額

食鐵石軒轅誅之於涿鹿之野蚩尤能作雲霧涿鹿

今在冀州有蚩尤神俗云人身牛蹄四目六手今冀

州人掘地得髑髏如銅鐵者即蚩尤之骨也今有蚩

尤齒長二寸堅不可碎秦漢間說蚩尤氏耳鬚如劍

戟頭有角與軒轅鬪以角觝人人不能向今冀州有

樂名蚩尤戲其民兩兩三三頭戴牛角而相觝漢造

角觝戲蓋其遺製也

太原村落間祭蚩尤神不用牛頭今冀州有蚩尤川
卽涿鹿之野漢武時太原有蚩尤神畫見龜足蛇首
漸疫其俗遂爲立祠

堯使鯀治洪水不勝其任遂誅鯀於羽山化爲黃熊

奴來反

入於羽泉今會稽祭禹廟不用熊白黃能卽黃

熊也陸居曰熊水居曰能昉按今江淮中有**獸**名熊

熊蛇之精至冬化爲雉至夏復爲蛇今吳中不食雉

毒故也

蛟一本作蛟後倣此

揚州有蛇市市人鬻珠玉而雜貨蛟布蛟人卽泉先

也又名泉客

南海出蛟綃紗泉先潛織一名龍紗其價百餘金以

爲服入水不濡

南海有龍綃宮泉先織綃之處綃有白之如霜者

鬱林郡有珊瑚市海先市珊瑚樹碧色生海底一株

十枝枝間無葉大者高五六尺至小者尺餘蛟人云

海上有珊瑚宮漢元封二年鬱林郡獻瑞珊瑚

光武時南海獻珊瑚婦人帝命植於殿前謂之女珊

瑚一旦柯葉甚茂至靈帝時樹死咸以謂漢室將亡

之徵也

凡珠有龍珠龍所吐者蛇珠蛇所吐者南海俗誘云

蛇珠千枚不及玫瑰言蛇珠賤也

玫瑰亦是美珠也

越人諺

云種千畝木奴不如一龍珠

越俗以珠為上寶生女謂之珠娘生男謂之珠兒吳

越間俗說明珠一斛貴如玉者合浦有珠市

昔炎帝女溺死東海中化為精衛其鳥自呼每銜西

山木石填東海偶海燕而生子生雌狀如精衛生雄

如海燕今東海精衛誓水處曾溺於此川誓不飲其

水一名鳥翬一名寃禽又名志鳥俗呼帝女雀

東海島龍川穆天子養八駿處也島中有草名龍芻

馬食之一日千里古語云一株龍芻化為龍駒

陶唐之世越常國獻千歲神龜方三尺餘背上有文

科斗書記開闢以來帝命錄之謂之龜曆伏滔述帝

功德銘曰胡書龜曆之文

夏桀宮中有女子化為龍不可近俄而復為婦人甚

麗而食人桀命為蛟妾告桀吉凶

桀時泰山山走石泣先儒說桀之將亡泰山三日泣

玫瑰亦美珠也六
字一作白文

一本有皆字

今泰山山石遠望之若人泣蓋是也周武謂周公曰
桀為不道走山泣石

堯為仁君一日十瑞宮中芻化為禾鳳凰止於庭神

龍見於宮沼曆草生堦宮禽五色鳥化白神木生蓮

蓬蒲生厨景星耀於天甘露降於地是為十瑞

東海畔有孤竹焉斬而復生中有管周武王時孤竹

之國獻瑞筍一株

空桑生大野山中為琴瑟之最者空桑也

周成王元年貝多國人獻舞雀周公命返之南海中

南海一本另起

古帝樂有

崆峒山亦另起

有軒轅丘鸞自歌鳳自舞古云天帝樂也崆峒山中

有堯禪禹碣皆籀文焉伏滔述帝功德銘曰堯禪禹

碣歷古不昧

會稽山有虞舜巡狩臺臺下有望陵祠帝舜南巡葬

於九疑民思之立祠曰望陵祠

帝舜都郭門古宮存焉宮前有堯臺舜館銘記古文

莫有識者

湘水去岸三十里許有相思宮望帝臺昔舜南巡而

葬於蒼梧之野堯之二女娥皇女英追之不及相與

一本無以字

慟哭淚下沾竹竹文上為之班班然

昔戰國時魏國苦秦之難有以民從征戍秦久不返

妻思而卒既葬塚上生木枝葉皆向夫所在而傾因

謂之相思木今秦趙間有相思草狀如石竹而節節

相續一名斷腸草又名愁婦草亦名霜草人呼察莎

蓋相思之流也

淮南有懶婦魚俗云昔楊氏家婦為姑所溺而死化

為魚其脂膏可燃燈燭以之照鳴琴博奕則爛然

有光及照紡績則不復明焉

水虺五百年化為蛟蛟千年化為龍龍五百年為角

龍千年為應龍

沮渙二水波文皆若五色彼人多文章故一名續水

灌漑之間離別亭古送別處漢沔會流處岸上有石

銘云下至水府三十一里皆傳云李斯刻此石

鹿千年化為蒼又五百年化為白又五百年化為玄

漢成帝時山中人得玄鹿烹而視之骨皆黑色仙者

說玄鹿為脯食之壽二千歲

餘干縣有白鹿土人皆傳千年矣晉成帝遣捕得銅

一本有人字有字

謂之二字一作名
察莎一作為寡
婦莎

一本有字

一本有字

梓樹一本另起

牌在角後書云漢元鼎二年臨江所獻白鹿

淮水中黃雀至秋化為蛤春復為黃雀雀五百年化

為蜃蛤梓樹之精化為青羊生百年而紅五百年而

黃又五百年而色蒼又五百年而色白

龜千年生毛龜壽五千年謂之神龜萬年曰靈龜

海魚千歲為劍魚一名琵琶形如琵琶而善鳴因以

名焉

漢中山有虎生角道家云虎千年則牙蛻而角生

漢宣城郡守封邵一曰化為虎食郡民呼之曰封使君

來一作不疑本是不字

因去不復來故時語云無作封使君生來治民死食

民夫八無德而壽則為虎虎不食人人化虎則食人

蓋耻其類而惡之

獍之為獸狀如虎豹而小始生還食其母故曰梟獍

濟陽山麻姑登仙處俗說山上千年金雞鳴玉犬吠

闔閭夫人墓中周廻八里別館洞房迤邐相屬漆燈

照爛如日月焉尤異者金蠶玉燕各千餘雙

吳王夫差築姑蘇之臺三年乃成周旋詰屈橫亘五

里崇飾土木殫耗人力宮妓數千人上別立春宵宮

一本有民字

一本有魚字

一本有有字

一本有皆字

爲長夜之飲造千石酒鍾夫差作天池池中造青龍
舟舟中盛陳妓樂日與西施爲水嬉吳王於宮中作
海靈館館娃閣銅溝玉檻宮之楹檻珠玉飾之
吳旣滅越棲勾踐于會稽之上地方千里勾踐得范
蠡之謀乃示民以耕桑延四方之士作臺於外而館
賢士今會稽山有越王臺今交州麻林一名紵林勾
踐種麻將以弦弓交州糠頭山勾踐貯米於其上春
積糠爲山今會稽之上有越王鑄劍洲箭鏃洲往往
有得古箭鏃蓋古制也

廣州東界有大夫文種之墓墓下有石爲華表柱石
鶴一隻種卽越王勾踐之謀臣也

洞庭湖中有釣洲昔范蠡乘扁舟至此遇風止釣於
洲上刻石記焉有一陂陂中有范蠡魚昔范蠡釣得
大魚烹食之小者放於陂中陂邊有范蠡石牀石硯
鈎鏃范蠡宅在湖中多桑紵英果有海杏大如拳若
菜甘柚林石壁上鑿兵書十篇菰葑川皆范蠡手植
定陶有范蠡千斛魚陂木桃園酸棗林梧桐宮在句
容縣傳云吳別館有秋梧成林焉梧子可食古樂府

一本有之字

秋一作楸

云梧宮秋吳王愁是也

乎一作平疑本平字

闔閭墓中石銘云吳王之夜室也嗚呼乎吾君王棄

吾之邦遷于重崗維崗之陽吾王之邦

今宜都有吳王射亭木棠苑木棠果名似梨而甜宜

都七里溪吳王射堂堂之柱礎皆如伏龜袁宏宮賦

王字下一有石字

曰海龜之礎是也

蒼頡墓在北海呼為藏書臺周末有人發掘得石刻文八十字當時莫識遂藏之

書府至秦時李斯識八字云上天作命皇辟迭王至

叔孫通識十二字

瀨鄉石堂有老子篆書道德經五千字蔡邕於其旁以隸

之一作賦

書證之。番禺有酸柿甜梅李无果賦生物之偏梅甜柿酸

漢章帝三年子母荀生白虎殿前時謂為孝竹群巨獻孝

竹頌。越多橋柚園越人歲多橋稅謂橙橋戶吳書闕書表請

除巨之橋籍是也。越中有王氏之橋園胡氏之梅山賀氏之竹丘吳中

有陸家白種蓮顧家班竹趙有韓氏之酸棗

中山有楸戶掌楸木者楸子為竹器漢書貨殖志千

年櫬
邯鄲有故宮基存焉中有趙王之果園梅李至冬而
花春得而食

一本無種字

鄴中銅駝鄉魏武帝陵下銅駝石犬各二古詩云石
犬不可吠銅駝徒爾爲

香李有

一說香水在并州其水香潔浴之去病吳故宮亦有
香水溪俗云西施浴處人呼爲脂粉塘吳王宮人濯
粧於此溪上源至今馨香古詩云安得香水泉濯郎
衣上塵俗說魏武帝陵中亦有泉謂之香水

饒州俗傳軒轅氏鑄鏡於湖邊今有軒轅磨鏡石石
上常潔不生蔓草

桂林東南邊海有裸川桓譚新論云呈衣冠於裸川
海上有裸人鄉

丹陽大姑陵下有石麟二枚不知年代傳曰秦漢
間公卿墓則以石麒麟鎮之虞氏縣有盧君古塚塚

旁栢二株枝條蔭茂二百餘步樹文隱起皆如龜甲
根勁如銅石

盧府君墓在館陶縣南二十里不知何代銘曰盧府
君歸真之室

盧陵郡有董氏之宅前有董家祠昔有董氏語其鄉
人曰吾當盡室作神及死家人老幼皆卒鄉人往往

一本另

見之稱吾於地下作盧陵侯鄉人因爲立祠能致風雨

安定西隴道其谷中有彈箏之聲行人過聞之謂之彈箏谷

粉水出房陵永清谷取其水以漬粉卽鮮潔有異於常謂之粉水

漢水西山有九井井中常出五色煙高數丈傳云昔人有從之入得數斛空青

西海外有鵠國人長七寸日行千里百獸不犯惟畏

海鵠見必吞之在鵠腹中不死鵠一舉亦千里吐綬鳥其身大如鶴五色出巴東山中毛色可愛若天晴淑景卽吐綬長一尺須臾還吞之陰滯卽不吐

陽泉在天餘山北清流數十步所涵草木皆化爲石精明堅勁其水所經之處物皆漬爲石

却塵犀海獸也然其角辟塵致之於座塵埃不入羊山上有燃石其色黃而文理踈以水沃之便如煎

沸其上可炊烹稍冷卽復以水沃之

獬豸獸中最大者龍頭馬尾虎爪長四百尺善走以

致一作置

涵一作涵

淑一作景淑

人有一作有人

漢水

殊

人爲食遇有道君卽隱藏無道君卽出食人
變反喻
辟寒香丹丹國所出漢武時入貢每至大寒於室焚
之暖氣翕然自外而入人皆減衣

迷穀出招搖山亦名雀山其樹如穀又如楮其花四

照名曰迷穀如佩之令人不迷

南康樛都縣西沿江有石室名夢口穴嘗有船人遇
一人通身黃衣擔兩籠黃瓜求寄載過至岸下此人
唾盤上徑下崖直入石穴中船主初甚忿之見其人
入石室始知異視盤上唾悉是金矣

噲叅養母至孝曾有古鶴爲戎人所射竄而歸叅叅
收養療治瘡愈放之後鶴夜到門外叅秉燭視鶴雌
雄雙至各銜明月珠以置叅家

炎洲在南海中上有風生獸似豹青色大如狸細取
之積薪數車燒之不燃鐵鎚鍛頭數十下乃死以口
向風須臾便活以石上菖蒲塞鼻卽真死取其腦和
菊花服之可壽五百歲

南方有灾火山四月生火十二月火滅火滅之後草
木皆生枝條至火生草木葉落如中國寒時也取此

木以為薪燃之不盡以其皮績之為火浣布

蘭陵山有井異鳥巢其中金翅而身黑此鳥見即大

水井不可窺窺者盈歲輒死

玉門西南有一國國中有山石磻子林切千枚名為霹

靂磻從春雷而磻減至秋磻盡雷收復生年年如此

宣城蓋山有舒姑泉俗傳有舒氏女與父析薪父坐

泉處忽牽挽不動父遽告家及再至其地惟見清泉

湛然其母曰女好音樂乃作弦歌泉乃涌流

搗衣山一名靈山在瑯琊郡山南絕險巖有方石昔

有神女於此擣衣其石明瑩謂之玉女擣練砧

泔鄉西津有玉女岡天當雨輒先涌五色氣於石間

俗謂玉女披衣

嶧州去玉門三千里地寒多雪着木石之上皆融而

甘可以為菓嶧丘巖反

八方之荒有石鼓其徑千里撞之其音即成雷也天

之申威於此

秦始皇作石橋於海上欲過海觀日出處有神人驅

石去不速神人鞭之皆流血今石橋其色猶赤

石鼓字有

一本無為字

員嶠山名還丘東有雲石廣五百里有蠶長七寸黑
色有鱗角以霜雪覆之然後作繭長一尺其色五采
織爲文錦入水不濡

園客者濟陰人貌美色人多欲妻之客終不娶常種
五色香草積十餘年服食其實忽有五色蛾集香草
上客薦之以布生華蠶焉至蠶時有一女自來助養
蠶以香草食之得繭一百二十枚繭大如甕每一繭
繅六七日絲方盡繅訖此女與客俱神仙去
并州妬女泉婦人不得艷粧綵服至其地必興雲雨

五色蛾三字有

一云是介推妹

齊桓公北征孤竹見人長尺具衣冠左祛而走於馬
前管仲曰此山之神也名曰俞兒霸王去聲之君與則
見也

和州歷陽淪爲湖昔有書生遇一老姥姥待之厚生
謂姥曰此縣門石龜眼血出此地當陷爲湖姥後數
往視之門吏問姥姥具答之吏以珠點龜眼姥見遂
走上北山顧城遂陷焉今湖中有明府魚奴魚婢魚
信安郡石室山晉時王質伐木至見童子數人碁而

一本無後字

一本有有字

歌質因聽之童子以一物與質如棗核質含之不覺
饑俄頃童子謂曰何不去質起視斧柯盡爛既歸無
復時人

正一作一

螺亭在南康郡昔有正女採螺爲業曾宿此亭夜聞
空中風雨聲乃見衆螺張口而至便亂噉其肉明日
惟有骨存焉故號此亭爲螺亭

北方有七尺之棗南方有三尺之梨凡人不得見或
見而食之卽爲地仙

荀瓌字叔偉潛棲卽粧嘗東遊憇江夏黃鶴樓上望
西南有物飄然降自霄漢俄頃已至乃駕鶴之賓也
鶴止戶側仙者就席羽衣虹裳賓主歡對已而辭去
跨鶴騰空而滅

晉安郡有一書生謝端爲性介潔不染聲色嘗於海
岸觀濤得一大螺大如一石米斛割之中有美女曰
予天漢中白水素女天帝矜卿純正令爲君作婦端
以爲妖呵責遣之女嘆息升雲而去

東陽郡永康縣吳時有人入山逢大龜擔之未至家
遇夜纜舟於岸見老桑呼龜曰元緒汝當死矣龜呼

命一作令

桑樹曰子明無苦也雖然盡南山之樵不能潰我對
曰諸葛恪明敏禍必及於子明日其人將龜獻吳王
命煮之三日三夜不死遂問諸葛恪恪曰此龜有精
須得多載老桑為薪煮之立爛遂命老桑斫之為薪
既燃即爛

取一作以

漢武帝幸甘泉長平阪道中有虫赤如肝頭目口齒
悉具人莫知也時東方朔曰此古秦狄地也積憂所
致上使按圖果秦獄地朔曰夫積憂者得酒而解乃
取虫置酒中立消

乘一作乘

洞庭山有宮五門東通林屋西達蛾眉南接羅浮北
連岱岳東有石樓樓下兩石扣之清越所謂神鈺昔
有青童乘燭颺飛輪之車至此其跡存焉土有天帝
壇山山有金牛穴吳孫權時令人掘金金化為牛走
上山其跡存焉故號為金牛穴

一有之字

范文本日南奴也為奴時牧羊於澗中得兩鯉魚欲
私食之郎知詰文詐云將礪石還非魚也郎至魚所
果見兩石文異之石有鐵文因入山中就治作兩刀
因舉刀向鄣鄣即蕃中山地名也咒曰鯉魚變化治

成刀斫石郭破者是有神靈文當治此國遂斫破之
衆遂推爲君

宋武帝微時伐荻於新洲見一大蛇長數丈遂射之
傷明日復往觀之聞杵臼聲覘見數青衣童子搗藥

搗一作擣

問其故答曰我王爲劉寄奴所射今合藥傳之帝曰
何神也童子不答帝叱之皆散收得藥人因名此草
爲劉寄奴

西域有鼠國大者如猪中者如兔小者如常鼠頭悉

一作六者如猪

白商賈有經過其國者若不祈祀則啣人衣裳

周成王時東夷送六角牛

磅磳山去扶桑五萬里日所不及其地甚寒有桃樹

千圍萬年一實一說日本國有金桃其實重一斤

吳王闔閭葬於吳縣三月有白虎居其上號曰虎丘

晉太康中會稽縣蚘蚘及羊皆化爲鼠蚘始變者有
毛而無肉大食新稻

周穆王時天下連雨三月穆王乃吹笛其雨遂止也

漢武帝時西方月支國有獻活人草三莖有人死者

一作日

將草覆面卽活之矣

封微山中有怒毛獸若不嗔毛短三寸若嗔毛長三

尺

南金山有師子獸其毛黃赤而光鮮耳小若鳴時地

動石裂也

一本作會師子禽
有
一無也字

崑崙山有玉桃光明洞徹而堅瑩須以玉井泉洗之

便軟可食

北方荒外有石湖方十里中有橫公魚夜即化為人

刺之不入煮之不死若以烏梅二七箇煮之即熟可

治邪病

東海郡尉于台有杏一株花雜五色六出號之仙人

杏

晉時晉陵薛願家有虹飲其釜中水須臾而竭願因

以酒祝而益之虹復飲盡吐金滿釜而去願家遂至

大富

顧渚山有報春鳥春至則鳴秋分亦鳴似鴉鳩之類

也

龍肝瓜長一尺花紅葉素生於冰谷所謂冰谷素葉

之瓜

一無其字

一作云

越俗說會稽山夏禹廟中有梅梁忽一春而生枝葉
漢成帝常與趙飛燕游太液池以沙棠木爲舟其木
出崑崙山人食其實入水不溺詩曰安得沙棠木剗
以爲舟船

巴東有真香茗其花白色如薔薇煎服令人不眠能
誦無忘

伺潮雞潮水上則鳴孫綽望海賦曰石雞清響而應
潮是也

聚窟洲有返魂樹伐其根心於玉釜中煮取汁又熬

之令可丸名曰驚精香或名震靈丸或名反生香或
名卻死香死尸在地聞氣卽活

岑華山在西海之西有蔓竹爲簫管吹之若羣鳳之
鳴

魏興錫義山多生微蘅草有風不偃無風獨搖

黃金山有楠樹一年東邊榮西邊枯後年西邊榮東
邊枯年年如此張華云交讓樹也

石勒嘗備於臨水爲遊軍所囚會有羣鹿傍道軍人
競逐之勒乃獲免俄而又見一老父謂勒曰何來羣

交讓樹三字

蔓竹字有

鹿者我也君應爲列國主故相救耳

大食王國在西海中有一方石石上多樹榦赤葉青

枝上總生小兒長六七寸見人皆笑動其手足頭著

樹枝使摘一枝小兒便死

獬豸者一角之羊也性知人有罪臯陶治獄其罪疑

者令羊觸之

取鳥之未生毛者以丹和牛肉使吞至長羽毛皆赤

殺之陰乾杵服壽五百歲

鄧通以權船爲黃頭郎曰土勝水其色黃故刺船郎

皆著黃帽

漢元和元年大雨有一青龍墮於宮中帝命烹之賜

羣臣龍羹各一杯故李尤七命曰味兼龍羹七命卽

文章名也

案消山有石樓樹吳太皇元年郡吏伍曜於海際得

之枝莖紫色有光南越謂之石連理也

南海有明珠卽鯨魚目瞳鯨死而目皆無精可以鑿

謂之夜光

千年木精爲青牛

七命卽文章名
也一作註

一本有夜字

水具記
卷七
十七

一本無之字

猿五百歲化為獲獲千歲化為老人

鵠壽三千歲

一本作鵠生五百年而紅五百年而黃又五百年而蒼又五百年而白壽三千歲

鷲之千年生胡髯

虎魚老者為蛟

江中魚化為蝗而食五穀者百歲為鼠

蛟羊似羊而無角啖之毒

古人說羊一名胡髯郎又名青鳥

周穆王之犬日走千里食虎豹

闔閭構水精宮尤極珍怪皆出自水府

蝗字有(一)

耕一作椒

瀨鄉老子祠有紫石榴紅縹李一李二色

勾漏縣有白橘青柑椒縹杏

南中生子母竹今之慈竹也

漢章帝元年上虞縣獻二蒂瓜一實二蒂及玉色橘

趙王故城俗呼為麋鹿城

殷紂時太羹生毛而忠生角是與甲將與之兆

梁孝王築平臺臺至今存有蒹葭洲鳧藻洲梳洗潭

中有望秦山商人望鄉之處

貝宮夫人廟在太一山下云懷元年夫人也廟即其

基也

一作王疑本
王字

在此

一本有殷紂節

當陽南有龍川鳳川云漢武帝時八龍五鳳常見於此亦呼爲五鳳城

魏文帝甄后陵在鄴中臨漳東北至今有甄后神

殷紂時大龜生毛而兔生角是甲兵將興之兆

此本在漢章帝下

甲兵一作甲兵

述異記卷上終

述異記卷下

周幽王時牛化爲虎羊化爲狼洛南有避狼城云幽王時羣羊爲狼食人故築城避之今洛中有狼村是其處也

關中有金魚神云周平二年十旬不雨遣祭天神俄而生涌泉金魚躍出而雨降

楚莊王時宮人一旦而化爲野蛾飛去

秦始皇帝至東海海神捧珠獻於帝前今海畔有秦皇受珠臺

東海上有蒲臺秦始皇至此臺下繫蒲繫馬蒲至今
縈紆

始皇二十六年童謠云阿房阿房亡始皇

古說雍州雨魚長八尺寸許

先儒說夏禹時天雨金三日古詩云安得天雨金使

金賤如土是也

周成王時咸陽雨金今咸陽有雨金原

王莽時未央宮中雨五銖錢既而至地悉為龜兒

漢世翁仲儒家人貧力作居渭川一旦天雨金十斛

一無天字

於其家

漢惠帝二年宮中雨黃金黑錫

呂后三年天雨粟

漢宣帝時江淮饑饉人相食雨穀三秦魏地亡穀二

十頃

漢武帝時廣陽縣雨麥

河間有雨錢城漢世天雨鉛錫於此

周時咸陽雨錢終日而絕

秦二世元年宮中雨金既而頃刻皆化為石

天雨粟一作秦

中大雨粟

一作天雨穀三日

秦魏地秦亡穀

二頁

成一作咸

漢成帝末年宮中雨一蒼鹿殺而食之其味甚美
大禹時天雨稻古詩云安得天雨稻飼我天下民
漢世潁川民家雨金銖錢

魏武帝末年鄴中雨五色石

吳桓王時金陵雨五穀於貧民家富者則不雨矣

魏時河間王子元家雨中有小兒八九枚墮於庭前
長六七寸許自言家在河東南爲風所飄而至於君
庭與之言甚有所知如史傳所述

魏世河內冬雨棗

耆舊說周秦間河南雨酸棗遂生野棗今酸棗縣是
也酸棗之甚小者為野酸棗

魏文帝安陽殿前天降朱李八枚啖一枚數日不食
今李種有安陽李大而有甘者卽其種也

漢末陽氏家園中產神棗三株

武陵源在吳中山無他木盡生桃李俗呼爲桃李源
源上有石洞洞中有乳水世傳秦末喪亂吳中人於
此避難食桃李實者皆得仙

杜陵有金李李大者謂之夏李尤小者呼爲鼠李桃

一本無矣字

一本無有字

一本有之字

中山作山中

之大者為木桃詩云投我以木桃是也

房陵定山有朱仲李園三十六所潘岳閒居賦云防

陵朱仲之李李尤果賦云三十六園朱李是也中山

有縹李大如拳者呼仙李李尤果賦云如拳之李陸

士衡果賦曰中山之縹李又云仙李縹而神李紅

豫樟之為木豫樟即木名也生七年而後與眾木有

異

漢武帝寶鼎二年立豫樟宮於昆明池中作豫樟水

殿

一本無豫樟即木名也六字。樟與下章

如一作茹

袁紹在冀州時滿市黃金而無斗粟餓者相食人為之語曰虎豹之口不如饑人劉備在荊州時粟與金

同價

永嘉之亂洛中饑荒懷帝遣人觀市珠玉金銀墜委

市中而無粟麥袁宏表云田畝由是丘墟都市化為

珠玉是也

漢末大饑江淮間童謠云太岳如市人死如林持金

易粟貴於黃金

洛中童謠曰雖有千黃金無如我斗粟斗粟自可飽

洛中童謠四字有

述異記

卷下

四

千金何所直

耆舊說桓靈之世汝穎間桑麻為蒿莠桃李不實花而復落落而復花而官倉有朽粟

晉永嘉中梁州雨七旬麥化為飛蛾

晉末荊州久雨粟化為蠱蟲害民春秋云穀之飛為蠱蓋是也中郎王義興表奏曰臣聞堯生神禾而晉有蠱粟陛下自以聖德何如帝有慙色

宋高祖之初年當晉饑饉之後卽位以來江表二千餘里野粟生焉

一無蓋字

一有末字

古說淮南諸山石生穀袁安云石穀藥名穗之尤小者

漢世古諺曰雖有神藥不如少年雖有珠玉不如金錢

金一作釜

太原神金岡中有神農嘗藥之鼎存焉

成一作咸。鞭

作辨疑本辨字

成陽山中有神農鞭藥處一名神農原藥草山山上紫陽觀世傳神農於此辨百藥中有千年龍腦

冀州鵠山傳龍千年則於山中蛻骨今有龍岡岡中出龍腦是也

今藥中有禹餘糧者世傳昔禹治水棄其所餘糧於江中生為藥也

仙藥紫鳳腦千年蠲髓是也

龜甲香即桂香之善者

述一作朮

紫述香一名紅蘭香一名金桂香亦名麝香草出蒼

藍一作蘭

梧桂林土郡界今吳中有麝香草香似紅藍而甚芳

香

南海山出千步香佩之香聞於千步也今海嶠有千

是一作似疑本

步草是其種也葉似杜若而紅碧間雜貢籍曰南郡貢

千步香

日南有香市商人交易諸香處

漢雍仲子進南海香物拜為涪陽尉時為之香尉日

南有千畝林名香出其中

香洲在朱崖郡洲中出諸異香往往不知名焉千年

松香聞於十里亦謂之十里香

杏園洲在南海中洲中多杏海上人云仙人種杏處

漢時嘗有人舟行遇風泊此洲五六日食杏故免死

云洲中別有冬杏

日南節一本另起

香洲有一州作

洲

一本無中字

一作川字

木蘭洲在潯陽江中多木蘭樹昔吳王闔閭植木蘭於此用構宮殿也七里洲中有魯班刻木蘭為舟舟至今在洲中詩家云木蘭舟出於此

天姥山南峯昔魯班刻木為鶴一飛七百里後放於北山西峯上漢武帝使人往取之遂飛上南峯往往

天將雨則翼翅搖動若將奮飛

搖動作動搖奮飛作飛奮

魯班刻石為禹九州圖今在洛城石室山

東北巖海畔有大石龜俗云魯班所作夏則入海冬復止於山上陸機詩云石龜尚懷海我寧亡故鄉

上虞縣有石駝步水際謂之步

瓜步在吳中吳人賣瓜於江畔用以名焉

用一作因

吳江中又有魚步龜步湘中有靈妃步昉按吳楚間謂浦為步語之譌耳

公主山在華山中漢末王莽秉政南陽公主避亂奔入此峯學道後得升仙至今嶺上有一雙朱履傳云

公主既於山中得道駙馬王咸聞追之不及故留二履以示之潘安仁有公主峯記

一無聞字

晉永嘉亂既已至江諸公主不得隨去安陽公主平

城公主奔入兩河界悉爲民家妻常怏怏不悅有故鄉之思村民感之共築一臺以居之謂之公主望鄉之館至今巋然王朗懷舊賦云將軍出塞之臺公主望鄉之館漢成帝遣將軍王潰戍邊及帝崩王莽篡逆潰與莽有隙遂留不敢歸因逃入胡中士卒相率築臺爲望鄉之處

孔子五字有

石一作首無縣字

義陽公主四字有

曲阜縣南十里有孔子春秋臺曲阜古城有顏回墓墓上石楠縣樹二株可三四十圍土人云顏回手植晉末羣盜蜂起義陽公主自洛中出奔至洛南士卒

二千餘人留守不去以衛京都劉曜攻破之主有殊色曜將逼之主手刃曜不中遂自刃曜奇其正節遣

一本無正字

葬之立義陽公主隣民憐之爲立廟今義陽神是也

符堅旣爲姚萇所殺於新平佛寺中後寺主摩訶羅

常夢堅曰可爲吾作宮旣而寺左右民家死疫相繼

巫者常見堅怒曰吾不宮將盡殺新平民因共改寺

爲廟遂無復災疾每年正月二日民競祀以大牢新

平寺今符家神也

今烏江長亭亭下有騅馬塘卽當時烏江亭長臧舟

今陰一本另起

待項羽處今陰陵故城九曲澤澤中有項王村即項籍迷失路處項王失路於澤中周回九曲後人因以為澤名

燕昭王為郭隗築臺今在幽州燕王故城中土人呼為賢士臺亦謂之招賢臺

漢武帝於湖中牧馬處至今野草皆有嚼嚙之狀呼為馬澤澤中有武帝彈碁方石石上勒銘存焉

葳蕤草一名麗草又呼為女草江浙中呼娃草美女曰娃故以為名

呼一作名

懸腸草一名思子蔓南中呼為離別草

苔為之澤葵又名重錢亦呼為宣蘚南人呼為茹草

一本有菴字

萱草一名紫萱又呼為忘憂草吳中書生呼為療愁花嵇中散養生論云萱草忘憂

桂林有睡草見之則令人睡一名醉草亦呼為懶婦箴又出海南地記

楚中有宮人草狀如金盞而甚氛氲花色紅翠俗說楚靈王時宮人數千皆多愁曠有囚死於宮中者葬之後墓上悉生此花

舜草今之孝草也

蓆其草一名塞路生北方胡地古詩云千里蓆其草

紅蘭花一名大草

莢葵本胡中葵似葵而大者

寡草特生而不叢

洛陽有**艾**茜園漢官儀云染園出**艾**茜供染御服是

其處也

紅綬花蔓生如綬一般有文采因名焉

甘泉宮有木園武帝時園也今俗呼為仙草園出漢

一無草字

一本紅蘭在後

莢葵在前

一無一般二字

魏宮志

蔓園在定陵漢官儀曰蔓園供染綠綬小藍曰蔓

蔓音稷

芙蓉園在洛陽漢家置之長沙定王故宮有**蓼**園真

定王故園也

張騫首蓂園今在洛中首蓂本胡中菜也張騫始於

西戎得之

衛有淇園出竹在淇水之上詩云瞻彼淇澳綠竹猗猗

猗是也

長沙另起

一本有馬字

為之像囚形一

作為囚像

罪正作正罪

梧桐園在吳宮本吳王夫差舊園也一名鳴琴川南中有楓子鬼楓木之老者為人形亦呼為靈楓馬後漢季子長為政欲知囚情以梧桐木為之像囚形穿地為坎卧木囚於其中祝之罪王者不動冤者木囚動出時以為精誠所應子長時為大理卿

漢武宴於未央宮忽聞人語云老臣負自訴不見其形良久見梁上一老翁長八九寸面皺鬚白拄杖僂步至前帝問曰叟何姓名所訴者何翁緣柱放杖叩頭首不言因仰視屋俯視帝脚忽不見帝駭懼問東方

一本無足字

一本無人字

朔朔曰其名為藻兼水木之精也陛下頃來頻興宮室斬伐其居故來訴耳仰頭視屋而後視陛下脚足者願陛下宮室足於此不欲更造帝乃息役後帝幸瓠子河聞水底有絃歌之聲置肴膳芬芳於帝前前梁上翁及數人年少絳衣紫帶佩纓皆長八寸一人最長長尺餘凌波而出衣不沾濕或挾樂器帝問之曰向所聞樂是公等奏耶對曰臣前昧死歸訴蒙下息斤斧得全其居故相慶樂耳遂奏樂獻帝洞穴珠一枚遂隱不見帝問方朔何謂洞穴珠朔曰河底

一本無遂字

有一穴深數百丈中有赤蚌蚌生此珠徑寸明耀絕世矣帝遂寶愛此珠置於內庫

燕昭王種長春樹葉如蓮花樹身似桂樹花隨四

之色春生碧花春盡則落夏生紅花夏末則凋秋生

白花秋殘則萎冬生紫花遇雪則謝故號爲長春樹

澄水泉在滄州九視山山下出泉濶百餘步亦名流

永渠雖泛金石終不沉故州人欲渡此泉以瓦鐵爲

船舫

地生毛京房以爲人勞之應北齊武成河清年中徐

州及長安地生毛長七尺時北築長城內築三臺人

苦勞役之應也

神泉出高密瑯琊郡人或禱祈求之則飛泉湧出清

冷而味甘人或污之則便竭

鹽田在河東郡有一大澤澤中產鹽引水沃之則自

成號曰鹽田取之無盡不沃則無也又張掖有鹽池

自然生鹽其鹽多少隨月增減

甜溪水其味如蜜東方朔得以獻武帝帝乃投於陰

井中井水遂甜而寒洗浴則肌理柔滑

一本無其鹽二字

藏府俱作臟

荒一作方

日林國有神藥數千種其西南有石鏡方數百里光明瑩澈可鑒五臟六腑亦名仙人鏡國中人有疾輒照其形遂知病起何藏腑即采神藥餌之無不其國人壽三千歲亦有長生者

列禦寇鄭人御風而行常以立春日歸乎八荒立秋日遊於風穴是風至即草木皆生去則草木落落謂之離合風

秦繆公時陳倉人掘地得物若羊非羊似猪非猪繆公道中逢二童子曰此名蝮史記作蝮在地中食死人腦

若以松栢穿其首則死故今種栢在墓上以防其害也

辰州嵩溪有丹青樹枝葉直上籠雲下無枝條上有五色葉圓如華蓋故號丹青樹俗謂之五采樹今在

辰陽縣

城陽縣城南有堯慶都墓廟前一池魚頭間有印文謂之印頰魚若非祀者捕而不得

奇肱國其國人機巧能為飛車從風遠行湯時西風吹奇肱人垂車東至豫州界後十年而風後至使遣

後一作復

一本有為字

歸國去玉門四萬里

東海有牛魚其形如牛海人採捕剝其皮懸之潮水至則尾起潮水落則尾伏

顧渚山有櫨

汝耿反

子樹其木如玉色渚人採之以爲

杖

蛇一首兩身者名曰肥遺西華山中有也見則大旱南海有水蟲名曰筋蚌蛤之類也其小蟹大如榆莢筋開甲食則蟹亦出食筋合甲蟹亦還入爲筋取食以終始生死不相離

西蜀石門山有樹名曰桄榔皮裏出屑如麵用作餅食之與麵相似因謂之桄榔麵焉

漢武帝元鼎元年起招靈閣有一神女留一玉釵與帝帝以賜趙婕妤至昭帝元鳳中宮人見此釵光瑩甚異共謀欲碎之明視釵匣唯見白燕直升天去後宮人常作玉釵因名玉燕釵

三國時昆明國貢魏瀨金鳥鳥形如雀色常翱翔上吐金屑如粟至冬此鳥卽畏霜雪魏帝乃起溫室以處之名曰辟寒臺故謂吐此金爲辟寒金也

漢末關中大亂有發漢時宮人塚者宮人猶活既出
平復如故魏郭后愛念之錄着宮內常置左右問
時宮中事說之皆有次 郭后崩因哭泣過度遂

周昭王時塗修國獻青鳳丹鵠各一雌一雄

吳郡魚城城下水中有石首魚至秋化爲鳧鳧項中
尚有石

南康郡有君山高秀重疊有類臺榭名曰女媧宮有
獸名格似猩猩之形自知吉凶人無機愛之則可馴
狎欲執害之則去不來

桂陽郡有銀井鑿之轉深漢有村人焦光於半道見
三老人褊身皓白云逐我太苦今往他所先知是怪
以刀斫之三翁各以杖受刀忽不見視其斷杖是銀
其井後遂不生銀也

儋耳郡明山有二石如人形云昔有兄弟二人向海
捕魚因化爲石因號兄弟石

真山在毘陵郡梁時有 人韓文秀見一鹿產一

子在地遂收養之及長與凡女有異遂爲女冠梁武
帝爲別立一觀號曰鹿娘後死入棺武帝致祭開棺

也一作耳

視之但聞異香不見骸骨蓋尸解也耳遂葬棺於毘陵因號其葬處為真山

江陰北有子英廟子英野人也善入水捕魚得

赤鯉將著家池中養之後長徑一丈有角翅謂子英

曰我迎汝身汝上我背遂昇於天為神仙晉時人

璩珞似小蚌有一小蟹在腹中珞出求食故淮海之

人呼為蟹奴

鶴故解刺德宅耳則聽響遠露眼赤精則聽遠

大毛落藁毛生其色如雪又云高脚踈節則多跛也

一本作耳者則聽遠眼赤則聽遠

若百六十年變止不食生物千六百年形定飲而不食與鳳為羣

松有兩鬣三鬣七鬣者言如馬鬣形也言粒者非矣

人間三十六洞天知名者十耳餘二十六天出方微

志不行於世也

鯉魚滿三百六十鱗蛟龍輒率而飛去一年置一神

守之則不能去矣神則也

王僧辨嘗為荆南得橘一蒂三十子以獻梁元帝

吳太皇時朱休之家犬歌曰言我不能歌聽我歌梅

花今年故復可明年當奈何休遂殺其犬明年休家人並死

哀牢夷西蜀國名也其有婦人捕魚水中觸沉

育生男子十人沉木為龍出水上九男驚走一兒不

去背龍因詆之後諸兒推為哀牢王

涿光山下囂水多鰓鰈之魚如鵲而十翼捕之可以

禦火

吳祖王時會稽生五色瓜吳中有五色瓜歲充貢伏

獻

一本無伏字

東南有桃都山上有大樹名曰桃都枝相去三千里
上有天雞日初出照此木天雞則鳴天下雞皆隨之

鳴

合塗國去王都七萬里人善服鳥獸雞犬皆使能言

林屋洞為左神幽虛之天即天后真君之便闕中有

白紫芝泉皆此洞所出乃神仙之飲餌非常人之所

能得之

日南郡出果下牛高三尺漢樂浪郡有果下馬並立

三尺

紫芝一作紫芝

白紫芝

一本無花字

廬陵有木客鳥大如鵲千百為羣不與衆鳥相厠俗云是古之木客花化作廬陵卽今吉州也

後魏孝昌年中有洛子 自云洛中人戍於彭城

營人樊元寶還子淵附書至洛書上題云宅在靈臺南延洛水旣至洛忽逢一老翁曰吾兒書也引入門館甚盛呼坐 酒酒至色赤甚香美寶告退老翁出送但見高岸對水無復人家及還彭城子淵已失元寶與子淵同戍三年不知是水神也

彭城郡古徐國也昔徐君宮人生一大卵棄於野徐

有犬名后倉 歸溫之卵開內有一兒有筋而無骨後爲徐君號曰偃王爲政而行仁義

湘州栖霞谷昔有橋順二子於此得仙服飛龍一丸十年不饑故魏文詩曰西山有仙童不飲亦不食卽此也

河澗郡有聖姑祠姓郝字女君魏青龍二年四月十日與隣女樵采於深 水處忽有數婦人從水

出若今之青衣至女君前曰東海使聘爲婦故遣和迎因數茵於水上請女君於上坐青衣者侍側順流

澗作間一有姑字

而下其家大小奔到岸側惟泣望而已女君怡然曰
今幸得爲水仙願勿憂憶語訖風起而沒於水鄉人
因爲立祠又置東海公於聖姑側呼爲姑夫

大翻山小翻山在媯州昔有王次仲年少入學而家
遠常先到其師怪之謂其不歸使人候之又實歸在
其家同學者常見仲捉一小木長三尺餘至則著屋
間欲共取之輒尋不見及年弱冠變蒼頡舊書今爲
隸書秦始皇遣使徵之不至始皇怒檻車囚之赴國
路次化爲大鳥出車而飛去至西山乃落二翻一大

一本無今字

或作風

一小遂名其落處爲大小翻山媯州卽今幽薊之地
利州義城郡葭萌縣有玉女房蓋是一大石穴也昔
有玉女入此石穴前有竹數莖下有青石壇每因風
自掃此壇玉女每遇明月夜卽出於壇上閒步徘徊
復入此房

龍巢山下有丹水水中有丹魚欲捕其魚伺魚之浮
出水有赤光如火網取其血塗足可涉水如履

地

宋武帝大明五年廣郡獻白孔雀以爲中瑞

遂一作皆

秦惠王獻五美女於蜀王王遣五丁迎女乃見大蛇入山穴中五丁曳蛇山崩五女上山遂化爲石

一說少室山有貝多樹 眾木有異一年三放花

花白色香美俗云漢世野人將子種於此

武都大夫化爲女子顏色美麗蓋山之精也蜀王娶

以爲妻無幾物故遂葬於成都郭中以石鏡一枚覆

二丈高五尺同葬之

衡州九疑山有舜廟郡守至官常致敬修祀則空中

如有弦歌之聲一說九疑山隔湘江跨蒼梧野連營

有一作皆

道縣界九山相似行者望之有疑因名曰九疑山

漢惠帝七年夏雷震南山林木皆自火燃至根其地

悉皆焦黃後異雨迅過人就其間得龍骨一具

晉世顏含嫂病須與蚺蛇膽療之則愈既不能得含

憂嘆累日忽有一童子持青囊授含乃曰真蛇膽也

童子遂化爲青鳥飛去

陽美縣小吏吳合龍家 溪南偶一日以掘頭

水溪內忽見一五色浮石龕遂取歸置於牀頭至夜

化爲一女子至曙仍是石後復投於本溪

顏含二字有

龕

掘頭

地

一本無能字

南海中有鮫人室水居如魚不廢機織其眼能泣則出珠晉木玄虛海賦云天琛水怪鮫人之室

興安縣水邊有平石其有石櫛石履各一其俗云

越王渡溪脫履墮櫛於此

荆州清溪秀壁諸山山洞往往有乳窟窟中多玉泉

交流中有白蝙蝠大如鷗按仙經云蝙蝠一名仙鼠

千歲之後體白如銀棲即倒懸蓋飲乳水而長生也

夜郎縣者西南遠夷國名也其先有女子浣紗忽三

節竹流入足間聞其中有號聲剖竹視之得一男歸

夜郎侯三字有

而養之及長有武畧自立為夜郎侯以竹為姓漢武

帝元鼎六年征西南夷改為牂牁郡夜郎侯迎降天

子賜以玉印綬後卒夷獠盛以竹王非血氣所生衆

為立廟今夜郎縣有竹王神是也

述異記卷下終

述異記

卷下

二十一

正寅夏借從先林宗藏本校其書係抄本向為寒山趙氏所藏趙實均
後圖書星教此書為吾先購得之因錢遵王廣搜小說遂檢此本示之
還時便取以校并補失校二

洞庭東山清遠堂主人記

十二月廿三日後
校

述異記

夫述者著誤之名異者未聞之事然而簡牘紛委百
氏駢繁始業文者患於少書莫得以備見務廣覽者
失于精究鮮克以周記非夫博物君子漁儒碩彥家
藏逸典日獵菁英則何以銓次成書以資後學近
閱梁世任昉述異記上下兩卷嘉其纂集愛不能釋研
玩之際奇粹間出辭曲有據事怪而不俚綽有條
緒煥然非誣且異夫成式酉陽之編但浮華而靡信
子橫洞冥之誌多誕妄以不經彼皆憑虛以盡撫實

若造瓊珍之竊列金壁以交輝如觀作繪之坊絢丹青而溢日誠可以助緣情之綺靡為摘翰之華苑以有矣惜其湮墜于世人所見因命工撫鏤以永流印與我同志足以知彥升之博識云爾時

皇宋慶曆四祀中秋既望日序

梁任彦升新安太守述異記三十九紙乃葑門邢履次先生手寫為散亂失去六帝令補足全交實為完書也此書報得禁竹保之保之

嘉靖元年正月上元日記